

兩  
浙  
名  
賢  
錄

兩浙名賢錄卷七目次

忠烈

漢

鄧綽任景升光

廬江太守陸季寧康

三國吳

偏將軍董元代襲

丞相張巨先悌

宜都太守虞世方忠

偏將軍鍾離恂

晉

侍中嵇延祖紹

會稽內史謝瑗度琰

子渡肇  
桓寶附

吳國內史張偉康茂

弟姦妻陸氏附

吳興太守謝茂度選

冠軍長史沈世堅勁

宋齊梁陳

冠軍長史孔琇之

祠部尚書虞景豫棕

會稽郡公王子珣琳

征東將軍張四山嶧

東揚州刺史張彪

弟貞崙妻楊附

廣威將軍卜天與

陳將三子一附

散騎侍郎沈攸之

子文和附

給事中丘道玄冠先

子維附

沈茂隆昭略

御史中丞沈叔源浚

章華

隋

折衝郎將沈光

唐

臨海丞駱賓王

太子少師顏魯公真卿

睢陽太守許遠

五代

睦州刺史薛溫

內都監使水丘昭旉

宋

婺州教授胡塾

戶部尚書梅和聖執禮

工部侍郎滕頴秀茂實 項鷄子德

秉義郎許世英瓊 先鋒董伯強公健

陳德固

子岩肖附

中書侍郎陳賓王過庭

蔣煜

太常少卿吳鎮卿安國

士曹毛叔縝巢

制置司參謀黃龍友友

太原府判劉士英

石礪王稟附

安撫使徐徽言

子開從孫適附

縉雲尉詹良臣

子大方大猷附

青溪尉翁開

休寧知縣鞠嗣復

忠翊郎姜綬

子特立附

開封少尹夏元茂承

開封令劉夢澤倚友

穎昌守何彥時志同

進士吳樞

雲和柳味道

太學徐宅卿揆

蓋縣簿祝公明

子陶附

通直郎劉平甫晏

司農少卿史徽

子龜年均年岑年附

鄉貢鄭季厚覃

兄章妻黃孫曾多附

統制姚興

錢唐令朱蹕

何卓附

防城保甲於琳

承信郎李彥和靚

右僕射魏南夫杞

衛士唐琦

沈提舉瑄

龔生

戶部侍郎梁貴全總

子綸附

利東安撫使劉師文甲

海州通判侯道子昌

陳提刑壽孫

兵部侍郎應純之

蘄州知州李誠之

妻許子士允從子士宏附

太府少卿楊叔鎮九鼎

定城尉張欽甫悠

太平倅豐公茂存芳

卒方義附

饒州知州唐景實震

兄椿附

通判池州趙卯發

妻雍氏附

建康統制吳從龍

弟從虎附

均州錄事朱不塵光

弟時中附

霍丘尉徐臞叟梅龜

子南古附

金部員外吳德洪

弟雄飛附

樊守張漢英

大理丞馮德父驥

弟驥附

吏部尚書劉翮

母解氏妻林氏附

浙西提刑徐道隆

知州趙良淳附

司農卿杜貴卿濤

權知台州王珏

姪 賔 附

承議郎陳雲翁虞之

史館編校葉德平偁祖

太學徐應鑣

子 琦 崧 女 元 娘 劉 汝 錫 附

王小觀

徐梧叔夢魁

錫 亨 附

林提刑融

鄭季華采翁

朱 天 錫 附

行軍司馬陳與可自中

朝請大夫唐元章

從 子 良 嗣 附

軍器監簿趙平甫良坦

進士袁天與鏞

趙孟崧

吳叔大觀

陳 非 熊 熊 三 弟 子 二 姪 附

朱吉父光

張 軫 附

太學林逢龍

弟 廷 龍 友 齊 應 魁 附

張哲齋



兩浙名賢錄卷七目次終

兩浙名賢錄卷之七

東海徐象梅仲和氏謨

夜郎楊文驄龍友氏閔

忠烈

漢

共二人

鄧簿任景升光

任光字景升鄧人爲縣主簿時海寇作孽縣長朱嘉部  
衆出戰爲流矢所傷賊突嘉前揮刃斫之光膏身捍嘉  
力戰而死嘉獲免歸治出俸厚葬之爲之改服

廬江太守陸季寧康

陸康字季寧，績少子，褒之子也。少惇孝，弟勤修操行。太  
平中，察孝廉，肅後坐事伏誅，康歛尸送喪還潁川行  
殿，禮終舉茂才，除高城令。高城邊陲，長令至輒發民繕  
城，又令戶一人具弓弩，備不虞。康皆罷遣，民大悅。康以  
恩信爲治，盜亦屏息。州郡上狀，遷武陵太守，轉桂陽樂  
安二郡。所至稱之。靈帝欲鑄銅人，詔歛民田畝十錢。時  
水旱荐臻，百姓貧苦，康抗蹕論諫，免歸。後徵拜廬江太  
守，申明賞罰，擊破賊黨黃穰。獻帝時天下亂，康遣孝廉

討史蒙陰奉貢詔書嘉勞拜忠義將軍秩中二千石時  
袁術屯壽春糧絕遣求兵甲康以其畔逆閉門不納設  
備待之術怒遣孫策攻康圍城數重康固守受敵二年  
力屈城陷不辱而死朝廷憫其節拜子儁爲郎少子續  
自有傳

三國吳

共四人

偏將軍董元代襲

董襲字元代餘姚人身長八尺英烈過人從孫策討平  
山寇拜別駕司馬策薨事權以平彭虎功拜威越校尉

遂偏將軍從討黃祖。祖橫兩艤衝夾守沔口。以楫櫓大  
纒繫石爲汀。上屯千人。强弩交發。飛矢雨下。軍不得前。  
遂與凌統各將死士百人人被兩鎧乘大舸突入艤衝  
間。襲以刀斷兩纒。大軍繼之。遂斬黃祖。功第一。曹操出  
濡須口。襲從權赴之。其夜暴風。襲所督五樓舸皆傾。衆  
驚潰。乞襲亟出。襲厲聲曰。將軍令備賊。可委去耶。義有  
俱死耳。敢言者斬。於是莫敢言者。舸敗襲死。權哀痛。改  
服臨殯。供應甚厚。陸機曰。吳大帝之能割據山川。跨制  
荆吳。與天下爭衡者。襲有殺身衛主之功云。

丞相張巨先悌

張悌字巨先、臨海人、少爲諸葛恪所賞、由是知名、歷官軍師、拜丞相、天紀四年、晉師來伐、孫皓使悌督沈瑩、諸葛靚、帥衆三萬、渡江逆之、至牛渚、沈瑩曰、晉治水軍於蜀久矣、今傾國大舉、萬衆齊力、必悉益州之衆、浮江而下、我上游諸軍、無有戒備、名將皆死、幼少當任、恐邊江諸城、盡莫能禦也、晉之水軍、必至於此、宜蓄衆力、待來一戰、若勝之、則江西自清、上方雖壞、可還取之、今渡江逆戰、勝不可保、若或摧喪、則大事去矣、悌曰、吳之將亡、

賈愚所知、非今日也。吾恐蜀兵來至此、衆心必駭懼、不  
可復整。今宜渡江、可用決戰力爭。若其喪敗、則同死社  
稷。無所復恨。若其克勝、則北敵奔走、兵勢萬倍、便當乘  
以南上、逆之中道、不憂不破也。若如子計、恐行散盡。相  
與坐待敵到、君臣俱降、無復一人死難者、不亦辱乎。遂  
渡江戰、吳軍大敗。諸葛靚與五百人退走、使人迎惓惓  
不肯去。靚自往牽之、謂曰：「天下存亡自有大數、豈卿一  
人所支如何？」故自取死爲惓。惓垂涕曰：「仲思今日是我死  
日也。且我作童兒時、便爲卿家丞相所拔、常恐不得其

死。負名賢。知顧。今以身殉社稷。復何遁邪。莫牽連之。如是。觀流涕放之。去百餘步。以見爲晉軍所殺。

宜都太守虞世方忠

虞忠字世方。翻第五子也。貞固幹事。好識人物。造吳郡陸機於童亂之中。稱上虞。魏遷於無名之初。終皆遠致。爲著聞之士。交同縣王岐於孤宦之族。仕進先至。宜都太守忠乃代之。時吳事日非。民心携貳。忠盡心撫輯。不至糜沸。晉兵攻圍。與夷道監陸晏。晏弟中夏督京。戮力堅守。城潰。不屈死。子譚自有傳。



偏將軍鍾離儁

鍾離儁山陰人牧之子也拜偏將軍戍西陵與監軍康  
盛論地形勢謂宜城信陵爲建平援不然敵將先入盛  
以建平守將施續有智略而不言信陵當城弗從儁計  
後晉兵果修信陵城建平遂危盛擘腕歎曰不用儁言  
致有今日及晉兵入儁率水軍臨陳督戰死

晉共五人

侍中嵇廷祖紹

嵇紹字廷祖魏中散大夫康之子也以父得罪靜居杜

門山濟頌選啓武帝曰康誥有言父子罪不相及嵇紹  
賢侔郤缺宜加旌命請爲秘書郎帝曰如卿所言乃堪  
爲丞何但郎也乃發詔徵之起家爲秘書丞紹始入洛  
或謂王戎曰時於稠人中始見嵇紹昂昂然如野雀之  
在雞群戎曰君復未見其父耳裴頠亦深器之每日使  
延祖爲吏部尚書可使天下無復遺才惠帝復阼遷侍  
中齊詣齊王冏諮事遇冏燕會召董艾等共論時政艾  
言於冏曰嵇侍中善於絲竹可令操之左右進柔紹推  
不受冏曰今日爲懽卿何若此耶紹對曰公匡復社稷

實執物作則垂之於後紹雖虛鄙忝備常伯腰綬冠冕  
鳴玉駸者豈可操執絲竹以爲伶人之事若釋公服從  
宴所不敢辭也同大慙艾等不自得而退及朝廷有  
北征之役天子蒙塵王師敗績於蕩陰百官侍衛莫不  
散潰唯紹儼然端冕以身捍衛兵交御輦飛矢雨集紹  
遂被害於帝側血濺御服天子深哀歎之及事定左右  
欲浣衣帝曰此嵇侍中血弗去初紹之行也侍中泰準  
謂曰今日向難卿有佳馬否紹正色曰大駕親征以正  
伐逆理必有征無戰若使皇輿失守臣節有在駿馬何

為聞者莫不歎息贈太尉諡曰忠穆紹誕於行已不飾  
小節然曠而有檢通而不雜與從子舍等五人共居撫  
卹如所同生門人故吏思慕遺愛行服墓次畢三年者  
三十餘人

會稽內史謝瑗度琰

二子後肇桓寶附

謝琰字瑗度安之子也弱冠以貞幹稱累官散騎常侍  
侍中符堅之後安以琰有軍國才用出為輔國將軍以  
精兵八千與從兄玄俱陷陳破堅以勲封望蔡公孫恩  
作亂加督吳興義興二郡軍事討恩至義興斬賊許允

之迎太守魏鄩還郡還討吳興賊丘勉破之又詔琰與  
輔國將軍劉牢之俱討孫恩恩逃於海島朝廷憂之以  
琰爲會稽內史都督五郡軍事本官如故琰旣以資望  
鎮越土議者謂無復東顧之憂及至郡無撫綏之能而  
不爲武備將帥皆謀曰強賊在海何人形便宜振揚仁  
風開其自新之路琰曰符堅百萬尚送死淮南况孫恩  
奔竄歸海何能復出若其復至正是天不養國賊今速  
就戮耳遂不從其言恩後果復寇浹口凡餘姚上虞進  
及邢浦琰遣參軍劉瑄之拒破恩旣而上黨太守張虔

碩戰敗羣賊銳進人情震駭咸以宜持重嚴備且別水  
軍於南湖分兵設伏以待之琰不聽賊既至尚未食琰  
曰要當先滅此寇而食也跨馬而出廣武將軍桓寶爲  
前鋒推鋒陷陣殺賊甚多而塘路逢伏琰軍魚貫而前  
賊於艦中旁射之前後斷絕琰至千秋亭敗績琰帳下  
都督張猛於後斫琰馬琰墮地與二子肇峻俱被害寶  
亦死之後劉裕左里之捷生擒猛送琰小子混混剗肝  
生食之詔以琰父子殞於君親忠孝萃於一門贈琰侍  
中司空諡曰忠肅

吳國內史張偉康茂

弟益妻陸氏附

張茂字偉康山陰人少有志行爲鄉里所尊初起義兵討陳斌郡賴以全元帝辟爲掾屬太子衛率出爲吳國內史沈克反茂起兵禦之與三子同被害茂弟益爲太守周札將軍克害札益亦死之茂妻陸氏討克以謝朝廷贈茂爲太僕

吳興太守謝茂度選

謝選字茂度上虞人永嘉太守鍼之子也性剛鯁無所屈撓頗有理識累遷侍中時孝武帝觴樂之後多賜侍

臣文詔、薛義有不雅者、邈輒焚毀之、其他侍臣被詔者、咸宜揚之、故論者以此多邈、後爲吳興太守、孫恩之亂、爲賊胡桀、鄧驃等所執、賊逼令北面、邈厲聲曰、我不得罪天子、何北面之有、遂遇害。

### 冠軍長史沈世堅勁

沈勁字世堅、吳興武康人也、父克與王敦構逆、衆敗而逃、爲部曲將、吳儒所殺、勁當坐誅、鄉人錢舉匿之、得免、其後竟殺譬人勁、少有節操、痛父死於非義、志欲立勲、以雪先耻、年三十餘、以刑家不得仕、進郡將王胡之深



與之及遷鎮洛陽上疏言與典男子沈勁清操著於鄉  
邦貞固足以幹事若令參臣府事義附必衆詔聽之升  
平中慕容恪侵逼山陵時冠軍將軍陳祐守洛陽衆不  
過二千勁自表求配祐戮力因補勁冠軍長史令自募  
壯士以助祐擊賊頻以寡制衆而糧盡援絕祐懼不能  
保會賊寇許昌祐因以掾許昌爲名率衆而東留勁以  
五百人守洛陽勁欲致命欣獲死所尋爲恪所攻城陷  
被執神氣自若恪奇而將宥之中軍將軍慕容虔曰勁  
雖奇士觀其志度終不爲人用今若赦之必爲後患遂

通官朝廷聞而嘉之贈東陽太守

宋齊梁陳

共十九人

冠軍長史孔琇之

孔琇之山陰人少有吏能歷尚書左丞廷尉卿出爲臨  
海太守在任清約罷郡時嘗獻乾薑二十斤武帝以爲  
薄後知其清乃深加歎息隆昌元年遷爲晉熙王冠軍  
長史行郢州事欲令殺晉熙琇之辭不許遂不食而死  
祠部尚書虞景豫綜

虞綜字景豫餘姚人少事父秀以孝聞仕宋爲黃門郎

明帝諒山陽王休祐比葬隆寒雪厚三尺故人無至者  
惟棕一人赴葬初齊武帝貧薄棕數相分遺出必呼與  
同載及卽位以爲太子中庶子遷祠部尚書領右軍明  
帝暴立稱疾不陪位帝以棕舊人使尚書令王晏示以  
廢立欲引晏佐命棕謂晏曰主上明聖公卿戮力寧假  
朽老以贊維新因慟不自勝朝議欲糾之僕射徐孝嗣  
曰此古之遺直也不可乃止

會稽郡公王子珣琳

王琳字子珣山陰人本兵家子梁元帝居藩琳姊妹竝

入後庭見幸琳由此未弱冠得在左右少好武遂爲將  
帥琳輕財愛士得將卒心佐吏數千皆能識其名姓以  
軍功封建寧縣侯從王僧辨破侯景拜湘州刺史帝爲  
魏國逼徵琳赴援師次長沙聞帝遇害乃率三軍竊索  
舉哀傳檄四方爲進取計陳霸先旣殺王僧辨擁立敬  
帝以侍中司空徵琳不赴乃大營樓船將圖義舉霸先  
遣侯安都周文育討琳逆戰於沌口敗之擒安都文育  
遂克江州及敬帝被弑琳乃請於齊迎永嘉王莊於民  
間方七歲立爲梁王而輔之舉兵東下與陳師遇琳乘

風舉火擲敵船風忽逆反燒遂大潰琳乃率莊人齊齊以琳爲會稽郡公陳將吳明微攻齊琳與將軍破胡禦之破胡不用琳計輒大敗琳單騎走彭城明微進兵圍之堰泥水灌城城陷被殺百姓哭聲如雷有一叟以酒脯號酌盡哀收其血懷之而去陳人懸琳首於建康市故吏朱瑒致書徐陵請許其葬瘞八公山側會葬者數千人尋有壽陽人茅智勝等密送其柩還鄉里

征東將軍張四山嶧

張嶧父稷齊朝爲剡令至嶧亭生子因名嶧字四山後

達家焉。嵯雅有志操，起秘書郎，遷湘東王長史，還爲太府卿，吳府太守。侯景圍建業，率兵赴援，授征東將軍。嵯曰：「天子蒙塵，何情復任榮號？」或勸迎降。嵯叱曰：「吾以身許國，有死無二。」賊劉仁茂下義興，遣使說嵯。嵯斬其使，遣軍破之。景助仁茂擊嵯，軍敗，執送建業。景猶欲活其子，嵯曰：「吾一門已在鬼錄，不就爾虜，求恩景，怒盡殺之。」梁元帝追贈侍中、開府儀同三司，諡忠貞。

東揚州刺史張彪 弟崑崙妻楊氏附

張彪居若耶山中，臨城公大連出牧東揚州，以爲中兵。

秦軍戾景將宋子侯攻下東揚州、還入若耶山、義舉貞陽戾卽位、以爲東揚州刺史、陳文帝入會稽、彪擊走之、沈泰申進等共叛彪、彪敗、遂與弟崑崙及妻楊氏還入若耶山、一大名黃蒼在彪前後、陳遣章昭達領兵購之、并圖其妻、却來黃蒼便啗一人中喉死、彪映火識之曰、卿須我者、但可取頭、誓不生見、陳蒨謂妻楊曰、我不忍汝落他處、今當先殺汝、然後就死、楊引頸受刀、不辭、彪不下刀、便相隨下嶺、彪謂楊曰、從此而決、若見沈泰申達等爲語、功名未立、猶望鬼道相逢、却卽殺彪并其弟

首致於昭達進兵迎楊楊便改啼爲笑謂昭達願彪殲  
畢黃蒼俯伏冢間號叫不肯離楊還經彪宅謂昭達曰  
婦人本在容貌今辛苦日久請暫過宅妝飾楊入室遂  
割髮毀面哀哭慟絕誓不更行文帝聞之歎息遂許爲  
尼彪起於若耶興於若耶終於若耶及妻犬皆爲時所  
重異。

廣威將軍卜天與

附 隊將張泓之朱道欽陳滿子伯宗

卜天與餘杭縣人善射弓力兼倍容貌嚴毅太祖以舊  
箭子使教皇子射累年以白衣領東掖防關隊減質救



應孤劉典祖守白石並率所領隨之以功遷叅後第一  
隊撫卹士卒甚得衆心拜廣威將軍領左細仗元凶入  
弑事變倉卒舊將羅訓徐牢皆望風款附天與不暇披  
甲執刀持弓疾呼左右出戰徐牢曰殿下人汝欲何爲  
天與罵曰殿下常來云何卽時方作是語只汝是賊手  
射斃於東堂幾中逆徒擊之臂斷倒地乃見殺其隊將  
張弘之朱道欽陳浦與天與同出拒戰並死世祖卽位  
詔曰日者逆豎犯蹕彙變卒起廣威將軍關中侯良天  
與提戈赴難挺身奮節斬殪凶黨而旋受虐刃勇冠當

時義侔古烈、典言追悼、傷痛於心、宜加甄贈、以旌忠節、  
可贈龍驤將軍、益州刺史、謚曰壯侯、車駕臨哭、泓之等、  
各贈郡守、給天與家長、廩子伯宗、殿中將軍、明帝泰始  
初、擊南賊於赭圻、戰沒、蓋世濟忠烈云。

散騎侍郎沈仲達、攸之

子文和附

沈攸之字仲達、武康人、少孤貧、隨從父慶之平雍州蠻、  
征廣陵、屢有功、歷官散騎侍郎、大明景和間、與蕭道成  
同直殿省、深相親善、道成女爲攸之子文和婦、及道成  
遣楊玉夫等、弑蒼梧王、立安成王、準爲順帝、道成自爲

司寇錄尚書事。假黃鉞。出頓新亭。謀移宋祚。遣攸之子  
元瑛。齎蒼梧王剗斷之具。示攸之。攸之奮然曰。吾寧爲  
王陵死。不作賈克生。乃遣道成書曰。少帝昏狂。宜與諸  
公。密議。共白太后。下令廢之。奈何交結左右。親行賊逆。  
乃至不顧流。蟲在戶。凡在臣下。誰不悚駭。又移易朝舊。  
布置親黨。官閭管鑰。悉關家人。吾不知子孟孔明遠訓。  
固如此乎。足下既有賊宋之心。吾豈敢捐包胥之節耶。  
書至。道成洩懼。攸之有素書十數行。常韜留犢角。云是  
明帝與已約誓。又得太后手書。卽舉兵。妾氏等諫曰。宜

年已老，那不爲百口計，攸之指兩礮角示之曰：吾豈能忘此？遂將兵攻郢州，爲錄事柳世隆所破，謀還江陵，聞城已爲張敬兒所據，攸之於是與子文和俱至華容之榛林，父子俱自經死。

給事中丘道玄冠先

子雄附

丘冠先字道玄，吳興人，少有節義。齊永明中，位給事中，時求使蠕蠕國，尚書令王儉言：冠先雖名位未升，而義行甚重，若爲行人，則蕪武鄭衆之流也。於是使蠕蠕，蠕蠕通令拜冠先執節不從，以刃臨之，冠先曰：能殺我者

蟠蟠也不能以天子使拜戎狄者我也遂見殺武帝以  
冠先不辱命賜其子雄錢一萬布三百疋雄不受詣闕  
上書曰臣父執節如蘓武守死如谷吉遂不書之良史  
甄之褒策萬代之後誰死社稷先建元四年車僧朗野  
使不異抗節是同詔贈正員外郎此天朝舊準臣父成  
例也今僧朗反葬冢塋臣父湮弃絕域語忠烈則亦不  
滿車論荼苦則彼優而此劇名位不殊禮數宜等乞申  
哀贖書奏不省

沈茂隆昭略

沈昭略字茂隆，昭明弟也。齊主寶卷，慆輕忍虐，大行誅戮。中郎將許準、勸司空徐孝嗣行廢立。孝嗣遲疑，召百官集議。將軍沈文季自以老疾，不預朝權。昭略謂之曰：「叔父行年六十，爲員外僕射，欲求自免，豈可得乎？」文季笑而不應。齊王知之，召孝嗣、文季、昭略入華林省，使茹法珍賜以藥酒。昭略怒罵。孝嗣曰：「廢昏立明，古今令典，宰相無才，致有今日。以甄投其面，曰：『使爲破面鬼。』」孝嗣曰：「見卿使人想夏侯太初。」略曰：「明府猶憶夏侯便是。」方寸不能都豁下。官見龍逢比干，忻然相對。霍光若問今

日之事何難答之臨死言笑自若

御史中丞沈叔源浚

沈浚字叔源憲之孫也少涉學有材幹仕梁歷山陰縣建康三縣令並有能名梁太清二年累遷御史中丞時臺城爲侯景所圍外援並至累表請和武帝使浚往景所浚曰朝廷恐和好乖貳已密勅外軍堅壁固守若臺城傾覆勿以二宮爲念當以死雪耻大將軍十萬之衆將欲何資景橫刀於膝瞋目叱之浚乃正色責景曰河南王人臣而舉兵向闕今朝廷已赦王罪結盟口血未

乾而復翻背。沈沒五十之年。常恐不得死。所何爲以死。相懼耶。徑去不顧。景歎曰。此真司直也。沒東歸。與吳興太守張嶠起兵討景。景使戾子鑒寇吳興。吳興兵力寡弱。戰敗。嶠與沒俱不屈而死。

### 章華

章華吳興人。陳後主時。同郡沈客卿與施文慶俱掌機密大事。刻削士庶。每責關市之估。朝野側目。人心思亂。華發憤上書曰。昔高祖南平百粵。北誅逆虜。世祖東平吳會。西破王琳。高宗克復淮南。辟地千里。三祖之功勳。



亦至矣。陛下卽位於今五年，不思先帝之艱難，不知天  
命之可畏，溺於嬖寵，惑於酒色，祠七廟而不出，拜三妃  
而臨軒。老臣宿將，弃之草莽，諂佞讒邪，升之朝廷。今疆  
場日蹙，隋軍壓境，陛下如不改弦易轍，張臣見麋鹿復游  
於姑蘇，書奏卽日斬之。士民寃痛，未幾臺城失守，隋晉  
王以客卿重賦，厚歛誅之，以謝百姓。

隋凡一人

折衝郎將沈光

沈光，吳興人，少驍捷，善威馬，爲天下最。居常擊腕以功。

石自矢煬帝時以材武應徵從攻遼東立衝梯攀城竿  
長十五丈光升其端臨城與賊戰短刀接殺數十人帝  
壯異之以爲折衝郎將江都之難勇氣鬱勃挺戈而前  
以聞死麾下數百人皆力戰而死無一降者壯士聞之  
莫不爲之隕涕

唐

共三人

臨海丞賈賓王

賈賓王義烏人七歲能賦詩與王勃楊炯盧照隣以文  
章齊名號爲四傑初爲道王府屬嘗使自言所能賓王

不答歷武功主簿、裴行儉總管洮州、表掌書記、不應上  
啓、陳情詞旨哀愴、有李令伯之風、調長安令、擢侍御史、  
以武氏卽位數上疏言事、因得罪、詔獄賦螢火、咏蟬、請  
篇以見志、武氏釋其罪、下除臨海丞、怏怏不得志、弃官  
去、李敬業起義、署爲府屬、傳檄天下、斥武氏罪狀、武氏  
讀且嬉笑、至一杯之土、未乾六尺之孤、安在、矍然曰、誰  
爲之、左右以賓王對、武氏曰、宰相安得失、此人敬業敗、  
賓王亡命、不知所之、中宗時、詔求其文、得數百篇、

太子少師顏魯公真卿

顏真卿字清臣秘書監師古五世孫其先齊人祖昌  
任益官州判卒於治所父必寧送古籍爲益官人真卿  
博學工文事親孝開元中舉進士遷監察御史使河隴  
時五原有冤獄久不決天大旱真卿請獄而雨都人呼  
御史雨遷殿中侍御史楊國忠惡之出爲平原太守安  
祿山有逆謀真卿度必反陽託霖雨增俾濟陞料丁壯  
儲庾廩日與賓佐泛舟飲酒以紓祿山之疑祿山反河  
朔盡陷獨平原爲朝廷守使參軍李平馳奏玄宗始聞  
亂歎曰河北二十四郡獨無一人義士耶及平至乃大

真謂左右曰吾不識顏真卿作何狀乃能如是時平原  
有靜塞兵三千益募得萬人遣李擇交統之分布諸將  
慷慨誓師泣數行下衆益感厲饒陽濟南清河鄆郡景  
城五郡長吏各以衆歸會賊方破東都遣逆黨段子光  
傅李愬盧奕蔣清首徇河北真卿恐衆懼給諸將曰吾  
素識愬等其首皆非是乃斬子光藏三首他日結綰續  
體爲位哭之是時從父兄杲卿爲常山太守斬賊將李  
欽奏等清土門十七郡同日自歸推真卿爲盟主兵二  
十萬絕燕趙詔拜戶部侍郎尋加河北招討採訪使用

清河人李萼計與兵六千出程千里之師遂成棠邑之功及賀蘭達明戰敗會平盧將劉正臣以漁陽歸真卿欲堅其意遣買載越海遣軍資十餘萬以子頗爲質頗甫十歲軍中固請留之不從肅宗卽位拜工部尚書賊益發兵乘虛急攻河北復陷真卿單身詣行在投憲部尚書遷御史大夫立朝多正議宰相厭其言出爲馮翊太守轉浙西節度使召爲刑部侍郎李輔國遷上皇西內真卿率百官問起居輔國惡之貶蓬州長史代宗立累遷尚書右丞俄以檢校刑部尚書爲朔方行營宣慰

使未行、留知省事、封魯郡公、屬元載建言、羣臣白事、宜  
先白長官、長官白宰相、宰相詳可否以聞、真卿上疏力  
言其壘蔽罔上、甚於林甫、言甚切至、載恨之、以他事斥  
真卿、詳謫貶峽州別駕、改吉州司馬、遷撫湖二州刺史、  
載誅楊綰薦之、再遷吏部尚書、楊炎當國、以抗直不容、  
改太子少師、猶領使、進太子太師、并使罷之、當是時、李  
希烈陷汝州、遣別將取尉氏、圍鄭州、東都震駭、先是盧  
杞不悅真卿、欲出之、真卿謂杞曰、先中丞傳首至平原、  
真卿以舌舐面血、今相公忍不相容乎、杞矍然起拜而

恨之益深至是上問計於杞杞曰誠得儒雅重臣爲陳  
禍福可不勞軍旅而服顏真卿三朝舊臣忠直剛決名  
重海內人所信服真其人也上以爲然遣真卿宣慰希  
烈詔下舉朝失色真卿乘傳至東都鄭叔則曰往必不  
免宜少留以湏後命真卿曰事不避難臣之職也君令  
其可違乎至許欲宣詔旨希烈使其養子千人環繞幔  
幕露刃脅之以死真卿正色抗辭賊黨奪氣希烈乃囚  
真卿守以甲士掘方丈坎於庭示將阬之真卿曰死生  
分矣何多爲遂拘送真卿蔡州真卿度必死乃作遺表



墓誌祭文於寢室西壁下曰此吾殯所也希烈脩號遣使問儀式真卿曰老夫耄矣曾掌國禮所記諸侯朝觀儀耳與元後王師復振賊虜變遣將章景臻至其所積薪於庭曰不能屈節當焚死真卿起赴火景臻等遽止之會希烈弟希倩坐朱泚誅希烈因發怒使鬪奴等害真卿偽曰有詔賜卿死真卿再拜曰老臣無狀罪當死然使人何日長安來奴曰自大梁來真卿大罵曰然則逆賊耳何詔爲遂縊殺之曹王臯聞之泣下三軍皆慟者廢朝五日贈司徒謚文忠真卿正色立朝剛而有禮

天下稱之者不以姓名獨曰魯公善草隸筆力道勁世傳嘉之

### 睢陽太守許遠

許遠，監官人，數宗之曾孫也。遠寬厚長者，明吏治，安祿山反，或薦遠於玄宗，召拜睢陽太守。適張巡拔衆至睢陽，與遠合兵拒賊。自以材不及巡，請稟軍事，一切推決。而專治兵糧戰具，被圍數月，食盡，士多餓死，存者皆瘠傷，氣乏，遠殺僮僕以哺卒。至羅雀掘鼠煮鎗弩以食衆。議東奔，遠巡議曰：「睢陽江淮保障也，若弃之，賊乘勝鼓

而南江淮必亡。且率飢衆行。必不達。未幾城陷。與巡俱被執。時安慶緒在洛陽。尹子奇械送其所。至偃師。以不屈死。詔贈荊州大都督。子玫拜婺州司馬。德宗差次至。德以來將相功效尤著者。以巡遠爲上。貞元中。復官遷他子。煥大中時。圖像凌烟閣。初大曆中。巡子去疾上書曰。蔡胡南侵。父巡與睢陽太守遠各守一面。城陷賊入。自遠分巡及將校三十餘。皆割心剖肌。慘毒備至。而遠與麾下無傷。巡臨命歎曰。嗟乎。人有可恨者。賊曰。恨我乎。曰。恨遠心不可得。誤國家。若死有知。當不赦于地下。

故遠心向背。梁宋人皆知之。使國威喪。勦功業。敗則  
還於臣。不共戴天。請追奪官爵。以刷冤耻。詔下尚書省。  
議皆以去疾證狀最明者。城陷而遠獨生也。且遠本守  
睢陽。凡屬城以生致主將爲功。則遠後巡死不足惑。若  
曰後死者與賊則先巡死者謂巡叛可乎。當時去疾尚  
幼。事未詳知。且艱難以來。忠烈未有先二人者。不可妄  
輕重議。乃罷。然議者紛紛不齊。元和時。韓愈著辯曰。二  
人守死成名。先後異耳。二家子弟材下。不能通知其父  
志。使世疑遠畏死服賊。遠誠畏死何苦守尺寸地。食所

愛之肉抗不降乎且見援不至人相食而猶守雖甚愚  
知必死矣遠不畏死明甚又言城陷自所守此與兒童  
之見無異且人之將死其肺臟必有先受病者引繩而  
絕之其絕必有處今從而尤之亦不達於理矣自後泉  
論房定

五代 共三人

睦州刺史薛溫

薛溫錢唐人有勇力善騎射吳越王弘佐時爲都頭統  
軍使胡進思恃迎立功干預政事弘惡之有所謀議

輒面折之。進思恨怒不自安。弘侖與指揮使何承訓謀逐之。又謀於內都監使水丘昭壽。昭壽以進思黨盛難制。不如容之。而承訓反以謀告進思。進思作亂。帥親兵戍。族人見弘侖叱之不退。猝愕趨入義和院。進思鎖其門。矯稱王命。告中外云。猝得風疾。傳位於弘侖。於是殺弘侖而遷弘侖於永錦軍。弘侖遣溫將親兵衛之。潛戒弘侖若有非常處分。皆非吾意。爾以死拒之可也。進思欲廢王弘侖。弘侖不許。進思詐以王弘侖害之。具奏。受命衛王不聞。殺王無已。必請而殺。可進思意。溫

乃復令二人挾刃踰垣而入弘侔闔戶大呼溫聞之急  
率衆入立斃之庭中人告弘俶弘俶大驚曰全吾兄者  
汝之力也進思內憂懼疽發背死弘侔由是獲全溫累  
官睦州刺史卒謚正獻

內都監使水丘昭券

水丘昭券臨安人性沉厚知書能文章事吳越王佐爲  
內都監使佐欲誅程昭悅令昭券夕率甲士千人圍其  
第昭券曰昭悅家臣也有罪當顯戮不宜夜與兵未幾  
佐卒侔嗣與何承訓謀逐胡進思昭券諫不從謀洩難

作昭券聞變入衛遂被害進思之妻曰他人猶可殺昭  
券君子也奈何害之進思後亦悔懼曰我不幸獨害君  
子

宋

共九十七人

### 婺州教授胡埜

胡埜金華人事親以孝聞崇寧間應八行舉除婺州教  
授宣和二年冬方臘反青谿據歙睦明年兵及婺境官  
吏皆風聞夜去通諸生勸埜避難埜曰先世以武功  
顯而我應八行舉豈可上負朝廷下辱先世耶城陷闕



室皆死之事聞贈朝散大夫

戶部尚書梅和聖執禮

梅執禮字和聖浦江人以進士調常山尉遷九域志編脩秩滿除武學博士或謂執禮文儒不宜處以武士執禮欣然就職陳說大義間親挾弧矢爲諸生倡大司成賢之數爲宰相言相以未識面爲歎執禮聞之曰以人言而得必以人言而失吾求在我而已卒不往擢軍器監丞改丞鴻臚遷比部員外郎進國子司業召試中書舍人移給事中拜禮部尚書素與王黼善黼嘗招執禮

飲夸示園親女樂之盛執禮曰公爲宰相當與天下同  
憂樂今方臘流毒吳地瘡痍未平豈歌舞宴樂時耶  
怒以他事出知滁州欽宗立徙知鎮江府召爲翰林學  
士改戶部尚書方軍興調度不足執禮請以禁內錢給  
有司凡六官廩給皆由度支乃得下月省浮費三十萬  
金人犯關執禮勸帝親征而請太上皇皇后太子皆出  
避用事者沮之洎失守金人質帝於營遷求金繒以贖  
百千萬計執禮與同列陳知質程振等四人哀民力以  
困相與謀曰金人所欲無藝極雖銅鐵亦不能給盍

軍法結罪倘望其末或語金帥曰城中七百萬戶所食  
未百一但許民持金銀易果麥當有應者已而果然  
怒呼四人責之答曰天子蒙塵臣民皆願致死雖肝腦  
不計於金繒何有實緣比屋枵空無以塞命耳帥問守  
長何在振恐執禮獲罪遽前曰皆官長也帥益怒先取  
其副胡舜陟胡唐老姚舜民王俱各杖之百執禮猶爲  
之請俄遣還將及門呼下馬撾殺之而梟其首時靖康  
二年二月也是日天宇盡冥士庶皆隕涕憤歎初二帝  
再出執禮力爭不從遂大慟歸見其母曰主辱臣死何

以生爲母曰忠孝難兩全汝受國厚恩當刺心上報  
勿以老人爲念執禮乃以其母屬兄弟去與諸將謀  
奪萬勝門夜搗敵營以二聖歸以賑給爲名與宗室子  
密謀結軍民不旬日得十餘萬王時雍徐秉哲聞之使  
范瓊泄其謀故及於難執禮通諸經尤長於易所著有  
文集五十卷高宗卽位詔贈資正殿學士謚曰節愍

工部侍郎滕秀穎茂實

滕茂實字秀穎臨安人登政和八年進士靖康元年以  
工部員外郎假工部侍郎副路允迪出使虜議割三鎮

太原尋奉密詔據城不下金酋怒囚之雲中欽宗北還  
自離都舊臣無敢候起居者茂實聞欽宗將至乃作自  
哀辭及篆宋工部侍郎滕茂實墓九字爰以奉使黃旗  
授其友人董說屬之後事翌日欽宗及郊茂實具冠幘  
號哭迎拜跼罕逼令易服茂實力拒不從士民見者皆  
爲泣下茂實請從舊主俱行金人不許自是拘留以憂  
憤卒時建炎二年八月也三年董說自拔歸張浚以爲  
陝西轉運判官說乃錄其哀詞使其同歸者羅鉞來獻  
其詞曰滕茂實奉使無狀不復返父母之邦得全臣節

以死幸以所仗節旛裹其尸有篆字九葬於臺寺下不  
必封植萬一從請知死窮微則爲乞骸骨歸悉如前禮  
至是浚亦以其事上於朝詔宜付史館特褒錄之紹興  
二年贈龍圖閣直學士謚忠節官其家三人

### 項鷄子德

項德武義人克郡禁卒宣和初盜陷婺城縣亦隨沒德  
率潰亡輩破賊於城隍廟東抗江蔡西拒董舉北捍王  
國大小百餘戰出則居先入則殿後俘馘莫勝計賊目  
爲項鷄子聞其鉅則遁遁王師至謀合而殲之賊聞盡

魏邀德於黃嶺下德力戰死邑人哭之聲震山谷遂於城隍廟肖其像而祀之

秉義郎許世英瓊

許瓊字世英東陽人剛毅有力善騎射徽時嘗敗淫祠而癘疫息人咸敬之宣和中邑懷德鄉寇起瓊集民壯攻討之鄉賴捍衛隨奉檄援郡城有功上其事補秉義郎攝郡事既而睦寇入境屢挫其鋒久之兵食不繼而盜益兵攻城瓊力戰死之屍猶僵立如生能戰所獲馘而歸至今廟食於鄉子孫繁衍爲邑巨族

先鋒董伯強公健

董公健字伯強新昌人宣和庚子冬方臘起桐廬蔓延  
新昌官吏奔竄莫敢當公健慨慷率子弟聚里中萬人  
取以紀律遂破賊焚其寨斬首千級境內復安王師計  
剋西賊檄公健爲先鋒公健藉累勝之威輕視賊以數  
百當數千殺獲頗衆已乃王師不進勢孤援絕公健度  
事不可爲呼衆語曰大丈夫寧以義死不可以不義生  
遂自殺人皆歎息垂涕贈武功大夫汝州團練使官其  
諸子



陳德固

子岩肖附

陳德固金華人靖康初爲京城守禦司屬官嘗獻守禦之策朝議沮之及京城失守督士卒與虜力戰而死濟良貴哭以詩云黠虜登城日中華將士奔人皆趨北關君獨死南門秘計無人用英聲有史存秋原悲淚落桂酒與招魂蓋記實也子岩肖以任子中紹興戊午詞科仕至兵部侍郎

中書侍郎陳賓王過庭

陳過庭字賓王山陰人第進士累官吏部右司員外郎

管仁遂遂時傳達主若風庫又入箭指一日過庭正其  
妄且勸帝傍邊備歷遷御史中丞兼侍讀睦寇竊發過  
庭言致寇者蔡京養寇者王黼京二人則寇自平又論  
朱勔父子本刑餘小人交結權近竊取名器罪惡盈積  
宜昭正典刑以謝天下由是忤旨安置黃州及欽宗立  
以兵部侍郎召在道除中丞過庭論近日爵命不由勲  
績又言立仁后諮詢又劾姚古擁兵不救太原之罪擢  
右丞中書侍郎議遣大臣使金耿南仲以老詎旨以親  
辭過庭曰主憂臣辱願效死帝爲揮淚歎息固遣南仲

及城陷遇庭護帝北遷因被留不還四年六月卒於  
山明年贈開府儀同三司謚忠肅

蔣煜

煜居人有文學而喜諧笑善狎人人亦以是狎之  
宣和室亂與煜遇欲妻以女煜拒之脅以拜指其膝而  
罵曰此豈拜賊者邪寇怒抽刀操之曰吾戮汝矣煜伸  
頸就刃罵不絕口而死煜性滑稽其臨難果決有如此  
太常少卿吳鎮卿安國

吳安國字鎮卿麗水人宣和初上舍釋褐授宗奇其文

擢第二尋召入史館遷考功郎中以太常少卿使金扈  
賀正旦使至接伴館金人渝盟欲脅服之安國毅然不  
屈曰我首可得我節不可奪金人不敢犯靖康初遣還  
後知袁州卒

士曹毛叔穎

毛鼎字叔穎江山人少有節操晚以特恩爲歙士曹賊  
寇攻城官吏皆遁鼎曰吾職司寇獄有繫囚誼不可去  
乃攝州事時二子貢辟雍卽遣人持獄印縶賊以出令  
上之朝城陷鼎衣冠坐堂上賊脅使降不屈罵賊不絕

口嬰刃而死妻錢氏弗忍去婦掖其姑又弗忍去卒俱遇害事聞贈朝請郎官其後

制置司叅謀黃龍友友

黃友字龍友平陽人資稟豪邁慨慷不羈十五入太學常語同輩曰大丈夫不能爲國立功亦造化中贅物耳明年投筆西遊過帥劉法一見奇之延致幕下又明年西鄙侵軼都護高永年戰沒友作七詩哀其忠後幕府奏功沒永年之寶故卹典不及其子以友詩進徽宗覽之惻然遂加贈謚而友亦免省試遂擢第調瑞安簿

李德令政有聲宜和聞方臘之亂爲宜撫司募官攝捕  
竊令寇不敢犯以功命攝婺州兵曹往諭浦江羣盜皆  
望風解去復舉騎次武義賊衆持釘一器置其前友正  
色叱之曰汝等何速死耶賊首李德壯之亟麾退一境  
怙然遷通判澶州會金人敗盟郭藥師以常勝軍叛燕  
土響應友獨率數千人與之血戰躬冒矢石破裂唇齒  
奪路詣京制置侯度宰相李綱皆薦召對欽宗問卿唇  
齒何以破裂友以實對欽宗稱歎賁予甚渥進直徽猷  
閣制置司參謀官同种師中解太原圍友遣兵二千奪

輸次縣得糧萬餘斛明日大軍進十里而止友至白師  
中地非利將三面受敵論不合友仰天長歎曰大事去  
矣追曉兵果四合敵執友曰降則赦汝友厲聲曰男兒  
死耳罵不絕口虜怒以脂蠟塗其身倒豎焚之時年四  
十七贈七官至中大夫官其子蒼婦人人御書忠節傳  
家四字旌其廬友體貌英偉膽雄萬夫謀畫機密出人  
意表嘗語子弟曰天下承平日久武事玩弛萬一邊書  
告急馬革裹尸乃吾素志他日收吾骸足心有黑子者  
是汝其識之其忠誠許國根於天性如此

太原府判劉仲發士英

石礪王稟附

劉士英字仲發武康人少篤學年三十一登第調武進  
尉改温州教授宣和三年方臘賊黨李時彙起清溪陷  
明越諸郡乘勢直擣郡城守貳汧頴相顧潛具海航爲  
自避計士英伺知之乃與郡人石礪謀條畫守城策督  
責有官守者以義自郡將請以身任其事處置有方  
令明肅遠郊之民爭赴城益克實明年五月賊擁衆合  
圍士英躬擐甲巡城督勵士卒王師繼至賊衆遂潰城  
賴以全中丞郭三益薦士英忠勇才略召對賜章服



通判太原府至郡未及暮金虜入寇兵帥童貫有素志將如京師告急實欲自免士英謂太原乃國家咽喉之地遂率通判方復及兵官王稟仗劍立城門外以伺其出貫遂寢行郡守張孝純因士英仗義不回始定守禦計時內外阻絕郡遣蠟丸奏急于朝者三百餘通卒不報城守踰年糧盡矢竭虜踰城縱火士英與王稟奉太宗皇帝神主慟哭於庭持短兵接戰虜以刃脅降士英罵曰我爲天子死不爲犬戎生遂死之時靖康丙午秋九月也年四十五議者以英稟方唐之巡遠云

安撫使徐彥猷字彥猷 子嗣從孫通附

徐彥言字彥猷西安人泌之孫也大觀二年詔求材武  
歸忠彥范純粹劉仲武以彥言應詔召見崇德殿賜武  
舉絕倫及第授保德監兵政和六年夏人犯邊與吳玠  
統兵禦之其前軍先掠保德彥言夜半率精騎據險設  
伏夏人至彥言揮兵突擊擒其酋以功授開門祇候尋  
復由銀州入寇命彥言統河西諸將討之夏師大敗七  
年權知晉寧軍嵐石路沿邊安撫時金虜圍太原王師  
屢却虜分兵據嵐石及瀕河郡縣以絕餉道數月王命

不通。察訪使張灝奏遣徽言擊賊，牽制太原，卽率師渡河。戮將士不用命者，一戰破之。復太原，通嵐石事。聞降詔，獎諭遷武經大夫，陞安撫使，提舉嵐石隰麟府豐等州兵馬。靖康元年，虜騎犯順，陝西置制范致虛率諸兵入援。徽使鎮守河西。欽宗以涼被圍，分命大臣割兩河予虜，覲以紓難。聶昌出河東爲虜所刼，乃割河西三州與夏人。晉寧民大恐，曰：「麟府豐旣弃，則晉寧豈能獨存？」徽言曰：「此使人誤耳。卒兵復三州，夏人所置守，長出降。」徽言諭遣之。夏人不敢爭，歟言復取嵐石等郡於虜，俄

兩京陷二聖北狩朝廷遣漕臣桑景謨葛兢置司晉寧  
贍軍二人皆不至廩餉絕徽言屯田並塞地大積芻粟  
教士習水戰乘渾脫涉河往來金人遣大酋號九州都  
統與晉寧對壘徽言以奇兵襲舍之是時河東郡縣淪  
陷日夜望王師至徽言招集土豪數百人皆以便宜借  
授得衆十餘萬因奏言將自統兵直趨太原徑取雁門  
留兵戍之命土豪之得郡縣者各自爲守許以世襲既  
定全晉據形勢則中原不日可平大臣謂兵一出則和  
不可成迺俾聽王庶節制議雖尼虜深忌之銳欲得晉

寧建炎二年虜自蒲津涉河縣澄城趨綏德綏德迎降  
遂至晉寧徽言以書約府州折可求使出兵犄角無嬰  
城坐困可求以其子彥文爲虜得遂降虜可求徽言妻  
黨也虜挾之城下誘說使降徽言登陴責以大義可求  
曰車駕以北兵暗字縣君雖至誠欲與誰守徽言以聞  
道所得建炎赦書讀示之慷慨泣下可求復曰君與我  
何太無情徽言手弓對曰爾於國家無情我於尔安得  
有情且此箭更無情一發中之可求蒙楯走因突出墮  
擊大破之斬妻宿孛堇之子初徽言謂晉寧號天下險

爲廣外城東塹大河備械甚設命諸將畫隅分守自以  
勁兵往來游援虜圍之益急爲堙絲城晉寧俗不井飲  
汲於河虜驅降人載芟石以擁之城中水乏儲待寢膳  
鎗仗空蔽人人惴憂知隕亡無日徽言能得衆心奮枵  
餓飭瘼之餘哀折槩斷刃以死固守自度不支取砲機  
篋格凡守具悉火之曰無以遺虜遣人間道以蠟書東  
南走告兄昌言曰某孤國恩死矣兄當勉事聖主旦日  
將衆蟻附登城嬰城之人疲於守禦坐受斯刃徽言獨  
持大斧盡殺先登者士氣復振虜亦稍却會將石贊受

虜飛箭內書虜從其分地人徽言先置家室空室中積薪焚之率張下戰鬥中數十合所手殺甚衆左右死傷略盡遂嬰牙城以守虜衆譴至徽言坐堂上慷慨語將士我天子守臣義不見劬賊手因拔佩刀自擬衆爭號呼抱持故虜得挾以去然素憚其威不敢抱妻宿得其所親使說以其冠紱見徽言叱之曰朝章覲君父禮以入穹廬可乎汝汚僞官不卽媿死顧以爲榮且爲敵人搖吻作說客耶不急去吾力猶能搏殺汝妻宿因就見說曰二帝北去爾乃誰爲徽言曰吾爲建炎天子妻宿

曰我兵已南中原事可知何乃自苦徽言曰吾恨不謀汝歸見天子今以死報太祖太宗庸知其他又與酒令飲卽以盃擲虜曰我尚飲虜酒乎罵不已又出偽制誅之曰能小屈當使世帥延安并有關陝徽言益怒罵曰吾荷國恩此正吾死所此膝豈爲虜屈因大呼曰尔胡當亟殺我不可使餘人見加婁宿以戟向之徽言被衽迎刃神色自若因射之未死罵不絕聲旣死僵立不仆時年三十九粘罕聞其死怒婁宿曰爾麀很何專殺義人以逞爾私治其罪甚慘宜撫張浚與諸使者相繼



以死節聞高宗撫几震悼顧謂宰輔曰徐徽言死封疆  
臨難不屈忠貫日月過於顏真卿段秀實遠矣不有以  
寵之何以勸忠昭示來世乃贈晉州觀察使謚忠壯再  
贈彰化軍節度使子岡旣同死事而從孫適亦以守安  
豐死蓋世著忠烈云

縉雲尉詹元公良臣 子大方大猷附

詹良臣字元公遂安人敦厚有節操宣和初年七十二  
以特奏名爲處州縉雲尉方臘起歛嶺且犯處守貳俱  
遁良臣以數百人獨守城或謂良臣曰盍去諸良臣曰

食焉不避其難。吾官以逐賊爲職，縱不勝，敢愛死乎？率  
弓兵出禦，之力不敵，被執。賊脅以降，良臣曰：「汝輩不知  
求生，顧欲降我耶？」昔年李順反於蜀，王倫反於淮南，王  
則反於貝州，身首橫分，妻子與同惡，無少長皆誅死。且  
募官軍至，汝肉飼狗鼠矣。賊恚憤，齧其肉，使自啖。良臣  
且吐且罵，至死不絕口。見者掩面流涕。賊平，事聞，贈通  
直郎，官其子三人。後累加金紫光祿大夫，謚忠節。長子  
大方，登進士，累官端明殿大學士、工部尚書、樞密使，封  
遂安伯，食邑八百戶。贈太師。次子大猷，補承事郎，官至

朝請大夫賜紫金魚袋

青溪尉翁開

翁開壽昌人也登政和五年進士宣和二年攝青溪尉方賊寇起領所部與賊戰不勝被執罵賊而死郡人鄭範爲之傳

休寧知縣鞠嗣復

鞠嗣復錢塘人宣和中知休寧縣方臘黨攻破縣欲逼使降面斬二士以帥之嗣復罵曰自古妖賊豈有久長者爾當去逆從順因我而歸朝廷官爵尚可得何爲脅

我使勝耶。嗣復知必死，不少憚厲聲曰：何不速殺我賊？曰：我縣人也。明府宰邑有善政，我不忍殺，乃委之而去。初，嗣復聞變，率吏民修城，民衆樂赴，不日而工畢，守備略就。朝廷知之，加直秘閣，擢知睦州。嘗爲賊所傷，自力渡江，乞兵於撫使，未至而卒。

忠翊郎姜綬

子特立附

姜綬，雁水人也。宣和中，以平睦寇有功，補承節郎、靖康初，金人犯汴，募忠勇士，齎蠟書往南京調兵赴援。綬以忠翊郎應募，乃剖股藏書，縫下南壁爲暹騎所獲，厲聲

罵之遂被殺建炎中詔官其子特立補承信郎官終寧遠軍節度使以詩鳴有梅山集

開封少尹夏元茂承

夏承字元茂鄆人登蔡薤榜進士第任開封少尹靖康間虜騎入寇京師尹徐秉哲散文榜根括皇族冀倖其全承毅然折以大義容令諸廂毀其文榜盡散拘繫之人紹興初職文墨者疏列其事時國事方殷褒異未遑逮隆興初詔以承爲忠義之士命史館編錄姓名特贈左朝議大夫

開封令劉夢澤倚友

劉倚友字夢澤青田人登政和進士宰開封有聲靖康金人犯關受檄爲東壁彈劾官登城按視爲金人所獲脅使降倚友叱罵不絕口死之

穎昌守何彥時志同

何志同字彥時龍泉人元祐進士初校讐麟閣靖康餘虜寇穎昌守臣魯開懼宰相以志同代之至都屬士死戰虜數仞不得逞於是益以數萬騎圍其城而攻之不敵城陷志同委其子女挺身出招散亡將以復戰聞高

宗以大元帥開府濟陽，遂率范洺等三十騎赴之高宗，見之嘉賞。先是志同嘗密啓以南都祖宗與王地請正位號以令天下，及移蹕南都，復申前奏，從之以志同極大尹。時國多難，志同艱關赴急，後奉身而退，其進退可謂無媿矣。

進士吳樞

吳樞慶元人，登政和進士，慷慨負氣，以節槩自許。靖康初，詔募人使金者，樞毅然請行。既至，唯長揖不拜，金人欲烹之，鼎油方沸，樞攝衣從之，顏色無少變。金主壯其

節遣還

雲和柳味道

柳味道雲和人好讀書行已正大每以節義自持時有  
寇柳機察作逆逼味道爲主堅誓不從寇怒縊於松以  
脅之味道從容口占一詩曰國破家亦破年窮命亦窮  
浮雲諸逆賊送我上青松竟縊死於松下

太學徐宅鄉揆

徐揆字宅卿江山人篤學力行以內舍領開封府首薦  
待詔省闈金人至郡城揆與太學生數輩上書虜酋責



其敗盟欲迎請二聖不得達翌日撰文自往或謂曰子  
雙親垂白無位於朝欲以徇國特一簣障江河爾揆曰  
不然昔燕破齊王蠲義不事燕絕脛而死齊士大夫迎  
襄王於莒齊之殘民亦感激奮發而田單得以成功今  
國破主辱可無一士死難揆雖不敏竊自比蠲庶幾天  
下士奮義而起乃毅然竟至戎帳給以獻金銀數虜酋  
見之揆袖出書且讀且誚責之首大怒揆不屈遂遇害  
紹興初特贈宣教郎官其弟事及二書並載之國史

蓋縣簿祝公明

子陶附

祝公明處州麗水人太原府蓋縣主簿靖康間金人犯河東令弃官去公明攝縣事率保甲人援圍守踰年城陷不屈死子陶爲唐州司戶中原失守陶亦死官所建炎中贈公明承事郎

通直郎劉平甫晏

劉晏字平甫建德人人遠舉進士爲尚書郎宣和中率衆數百來歸受通直郎金人犯京師以晏總遼東兵號赤心隊建炎初從劉正彥擊淮西賊丁進進黨頗衆晏所提赤心騎才八百乃爲五色旗使騎兵持之循山而

出一色盡則以一色易之賊見官軍累日不絕顏色各異遂不戰而降遷朝散郎正彥反晏謂其部曲曰吾豈從逆黨者耶以衆歸韓世忠世忠追正彥及苗傅於浦城以晏騎六百爲疑兵於浦山之陽賊大駭晏以所部力戰正彥就擒世忠上其功遷一官金人犯建康杜克兵潰世忠退保江陰晏領赤心百五十騎屯青龍羣寇犯常州晏出奇破之進直龍圖閣保馬跡山以禦寇寇再至晏出舟師迎戰降其衆一千五百人賊方圍宜城急命晏往援晏至城下未立營壘出不意直搗方帳下

方大驚却走晏欲生致方單騎追之深入重地方合圍數匝飛矢雨集晏獨奮長刀力殺數十人以援兵不繼死事聞贈龍圖閣待制官其子四人死所立廟曰義烈歲時祀之

司農少卿史洵美徽

子龜年均年岑年附

史徽字洵美益官人勤苦力學登崇寧五年進士累遷戶部郎中出爲京西運判徽宗下詔罪已罷西城所督逋賦徽悉焚其租籍進右司郎中以疾致仕高宗卽位復起爲司農少卿建炎三年與黃鵠扈駕至京口俱遇

害後特贈左太中大夫右文殿修撰子三曰龜年均年  
岑年龜年岑年皆官至員外郎

鄉貢鄭季厚覃

兄章妻董氏孫魯多附

鄭覃字季厚明州人靖康二年貢於鄉建炎四年金人  
陷明州縱兵大掠覃挈族避難山谷間金人追及與兄  
章俱被執脅以刃曰與吾金卽貫死覃號泣指所瘞黃  
金釵與之遂見釋而金兵相屬覃挈小舟與其妻董同  
載去顧謂章曰萬一不得脫覃豈北而事異國者兄勉  
主祭祀復爲兵所劫去迫使之降覃厲辭罵不屈躍入

水中董哭曰夫亡矣與其受辱以生不如死亦自沉  
死後孫魯多舉進士而清之最顯單累贈太師秦國公  
董秦國夫人

### 統制姚興

姚興舊名叔興新城人有勇力善武藝爲統制官隸王  
維紹興三十一年完顏亮入寇兵至和州尉子橋興以  
一軍三千人力戰權置酒仙宗山上擁羣刀斧自衛殊  
不援興興殺虜數百以援不至而沒朝廷爲之立祠以  
表其忠寧宗朝復加追贈襲慶軍節度使開府儀同三

錢塘令朱蹕 何桌附

朱蹕，安吉人。登大觀五年，何桌榜進士第，任興國軍教授。除辟雍錄。高宗卽位，召赴行在，除太學錄。蹕請使虜，皆還。復除太學正。尋除錢塘令。建炎三年，兀朮完顏宗弼破桐川，將窺臨安。蹕請郡守康允之欲戍千秋獨松二嶺以抗其咽，守不聽。臨安陷，守弃城遁。保赭山。蹕率民兵出禦，行二十里，遇賊對敵。兩中流矢，左右掖至天竺山。賊肆焚掠。蹕裹創率里社，復以短兵邀擊，遂被害。

何巢歸安人也。靖康中，從徽宗幸金營，不屈而死。遺詩云：人生會有死，遺恨滿乾坤。臨大節而不奪，至今猶凜凜。有生氣。若巢與蹕，可謂不負科名者矣。

防城保甲於琳

於琳，蕭山人，爲本州防城保甲。建炎初，陳通叛，琳從浙東去撫討賊，戰敗被執。賊欲刺其面，強降之。琳罵不屈。賊衆攢射矢着如蝟毛，罵不絕口，死之。

承信郎李彥和靚

李靚，字彥和，龍泉人。幼孤，母督之學，不肯卒業。母詰之，



辭曰、國家遭女真之變、寓縣雲擾、士當捐軀爲國、戡大  
憝、安能咕囁章句間、效淺丈夫哉、岳飛督師平虔寇、挺  
身從之、未行、奔母喪、服除、走淮南、以策干都督張浚、浚  
奇之、使隸淮西總管孫暉麾下、累功、授承信郎、紹興十  
年、金人犯境、覲率部曲當其鋒、轉戰至西京天津橋南、  
俘其酋、乘勝逐北、會金兵大至、部曲奔潰、覲大呼曰、今  
日是我報國之日、遂躍馬陷陣、死、年三十二、

右僕射魏南夫杞

魏杞、字南夫、鄞人、舉紹興十二年進士第、歷縣有能名、

後遷宗正少卿。假禮部尚書使金國。行次盱眙。金人以萬騎脅之。杞不爲動。卒奉禮幣以往。當是時。與隆議和。改君臣獻納禮。孝宗以緘書授杞。杞行近北界。心動。亟回。白上曰。國書封滕。不知何事。彼震怒凌辱。將倉卒占對。失國體。願陛下諭意。臣願以死承詔。上大悟。始盡言書旨。初上之不言者。懼杞畏而辭行耳。杞至金。金主果怒。絕飲食以困杞。杞言宋皇帝銳意恢復。將使兩國之民俱受塗炭。羣臣交奏迭諫。故更進和議。誠與太上皇帝言和時不同。使不允杞死此耳。金主悔。卒正敵國禮。

減歲幣舊數以歸孝宗大喜除起居郎遷給事中乾道二年拜同知樞密參知政事明年拜右僕射卒謚文節  
衛士唐琦

唐琦臨安衛士也高宗航海琦以病留越州李鄴以城降金人琶八守之琦袖石伏道傍伺其出擊之不中被執琶八詰之琦曰欲碎爾首死爲趙氏鬼耳琶八曰使人人如是趙氏豈至是哉又問曰李鄴爲帥尚以城降汝何人敢爾琦曰鄴爲臣不忠吾恨不得手刃之尚何言斯人爲乃顧鄴曰我月給才石五斗米不肯背其主

爾享國厚恩、乃若此、豈復齒人類哉、詎罵不少屈、吾人  
趣殺之、至死不絕口、事聞、詔爲立廟、賜名旌忠。

### 沈提舉瑄

沈瑄、德清人、仕爲燕山府提舉、金虜犯邊、爲郭藥師所  
執、以兵臨之、終不屈、虜壯之、遣同李鄴赴闕、讓和、瑄首  
陳虛實、乞邀擊之、不用、著南歸經世二錄、以摠忠憤。

### 龔生

龔生、上虞人、伉健有智略、建炎中、金兵渡浙江、次上虞、  
所至焚掠、民皆竄山谷、生獨奮臂、諭其里人李氏、伍氏、

郭氏曰虜將屠吾邑吾屬雖力不敵有死不可去遂募民之果悍者得數十人迎縣令丞依險自固分署隊伍整兵環向以待之虜至出其不意驅衆先登嶺礮投石擊之且率衆薄虜虜驚却斬其將殺傷甚衆生亦戰死

戶部侍郎梁貴全總

子綸絃附

梁總字貴全西安人丰姿端靖以明法擢廷評時有欲人人罪者總堅執不見聽乃求去爲淮西檢法守幽江以薦召丞大理稍遷少卿孝宗稱其忠正廉恪出爲浙西憲平丹陽盜採嚴陵荒入爲廷尉晉戶部侍郎使虜

出國門、孝宗晏駕、總卽衣黻渡淮、虜逼之、易服、總毅然不變、虜燕必張樂至其庭、必簪花講射、總皆移文豫辭之、持弗從、就館、則扃其戶、絕不通、燕之日、又脅總、總曰、有死耳、國喪不卹、而以非禮相加、豈通好之誼耶、虜嘉歎之、悉如所請、旣還、上受內禪、真拜刑部侍郎、未幾、奉祠告老歸、子綸、自戶部郎爲成都憲、總守融州、

利東安撫使劉師文甲

劉甲字師文、龍游人、淳熙進士、累官度支郎、兼國史院編修、使金、至燕山、伴宴完顏者、犯仁廟嫌諱、甲力請完

頗更名脩還除實謨開待制知江陵府湖北安撫使移  
知廬州程松爲四川宣撫使吳曦副之以甲知興元府  
利東安撫使時曦已遣使獻四州於金金立曦爲蜀王  
以重兵壓大散關曦陰撤幕關卒甲時在漢嘉聞變告  
急於朝松謀遁甲固留不可遽以便宜檄甲兼沿邊制  
置曦遣使以書致甲甲授大義拒之因卧疾曦又遣其  
弟敗邈甲相見甲叱而去之乃授顏真卿故事欲援歸  
朝先募二兵持帛書遺絃知李璣告變曦僭王位甲卽  
去官朝廷久乃微聞反狀韓侂冑猶不之信甲奏至舉

朝震駭壁帛書進上覽之稱忠臣者再命吳總知鄂  
州多賜告身金錢招諭諸軍爲入蜀計復以帛書賜甲  
命審度事宜從長區處二兵皆補官甲所行至重慶聞  
安丙等誅曦復還漢中奏叛臣子孫族屬及附僞狀公  
論快之除甲宜撫使金自鵲嶺關進屯八里山甲分兵  
進守金知有備引去上念甲精忠拜寶謨閣學士知興  
元府利東安撫使權四川制置司事先是大臣撫蜀者  
諸將事之有所謂互送禮實賄賂也甲下令首罷之凡  
安丙所增田土茶塩諸稅一切報罷邊民感泣未幾卒



於官年七十三、甲幼孤多難、母病刲股以進、生平常謂  
吾無他長、惟足履實地、晝所爲、夜必書之名、曰自監理  
宗詔謚清惠、

海州通判侯道子

侯畱字道子、樂清人、以武舉授合浦尉、柳城令、衛步軍  
司幹辦公事、侍衛馬軍行司計議官、寶祐五年、制置使  
賈似道辟通判海州、兼南府計議官、李崧壽據山東、突  
出漣泗、畱率衆鏖戰城下、死之、闔門遇害、太學生三十  
一人、疏言於朝、卽海州賜廟旌忠謚、節毅、仍立廟其鄉、

周所著有霜崖文集

陳提刑壽孫

陳壽孫遂安人以進士教授台州會新太守初視篆乃  
丞相丁大全黨也至謁廟日壽孫颺言曰昔冉求爲季  
氏聚斂聖人尚欲鳴鼓而攻之太守乃丁大全聚斂之  
徒烏可升吾夫子之堂哉守聞之遂解甲去後直龍圖  
閣歷福建提刑貪吏聞風畏懼引去未幾入覲與賈似  
道爭鹽法被劾歸元兵至率市人操兵聚遂安白岩橋  
禦之取民居扉戶床卓累以爲柵兵至民潰散遂被執

忠烈

卷之二

四

光碧堂

元將欲降之、嘆曰、叱曰、我大宋忠臣、乃從爾胡邪、因厲聲曰、何不速殺我、遂囚於獄、邑吏或戲之曰、提刑亦下獄邪、壽孫叱之曰、吾志尚欲斬賊配吏、顧力屈耳、元將壯之、命縊死獄中、

兵部侍郎應純之

應純之、孟明子也、與兄謙之、茂之、授業孝亭之門、登嘉泰三年進士第、歷知楚州、兼京東經略安撫使、收捕李全等、所向多捷、會李全來歸、密請於朝、謂中原指日可復、時相史彌遠鑒開禧事、不欲大舉、但効立忠義軍、令

純之節制既而陞兵部侍郎秋八月金人入寇力戰死之。

蘄州知州李茂欽誠之妻許氏子士九從子士宏附

李誠之字茂欽東陽人舉鄉薦第一慶元初釋褐授國子學錄佐江西福建帥幕嘉定中知蘄州增埤浚湟繕樓櫓修器械作惠民倉糴米數萬石實之十四年春金人犯邊以一日破五關遂踐黃陂蘄勢如破竹時誠之已逾滿代者不至欲先遣其孥歸聞寇至而止時州兵迎新者半又分於憲司存者無幾乃選丁壯分布城守

募死士逆擊十里外大破之虜百道攻城當是時池陽  
合泥援兵俱敗走朝命馮侍將兵救之擁兵境上遷延  
不進虜攻益急誠之簡二驍將率百餘騎夜出切其寨  
而還料敵應變智略如神虜始憚之會黃矢守併兵爲  
一凡十餘萬勢不能支誠之激厲將士勉以忠義城陷  
子士允從子士宏力戰而死誠之望闕再拜付州印於  
虞兵周俊使懷以歸朝廷謂其家人曰尔等宜速死無  
辱於賊帥兵巷戰自旦至午士卒感其義皆死無一降  
者左右略盡引劍自剄時年七十妻許氏及子婦若孫

皆赴水死。自城守至陷，凡二十六日。時三月十七日也。事聞，贈朝散大夫、秘閣修撰、封正節侯，立廟於蘄陽，賜名褒忠。士允贈通直郎，士宏承務郎，妻以下皆褒贈。有差，獨長子士昭以先返家復全，護喪歸葬於縣東七里東山之原。

太府少卿楊叔鎮九鼎

楊九鼎，字叔鎮，錢唐人以父任入官。帥襄漕，夔有善政，後易利漕。帥天漢，虜劫大散關，九鼎先驅，駐河池縣，復大散關。又復皂郊，殺偽帥完顏璘，虜大憤，益發兵至。

忠烈

卷之七

七

光緒堂

九鼎死守清野原除太府少卿、總領蜀賦、時郡統吳攻戰沒麾下兵潰虜據漢中、擄大安軍、九鼎檄張成何進、勸虜於三泉、匹馬不返、會蜀有新帥、首相潰卒、至雞公嶺、復叛、帥聞變、卽遁、有勸九鼎遁者、答曰、九鼎有職守、不可去、賊至、遂遇害、後宣闢戮叛卒、奏九鼎以死守職、乞厚加卹典、以勸盡忠、詔贈五官、至朝議大夫、官其子三、

定城尉張欽甫

張恂一名景說字欽甫、岷人、紹定四年爲定城縣尉、攝

麻城縣事適虜攻破沙窩關深入麻城兵不支被執欲脅使降。愆曰：吾氣吞若曹，顧力屈耳。吾從汝爲不義耶？遂遇害。事聞，贈通直郎。

太平作豐公茂存芳

卒方義附

豐存芳字公茂，清敏公玄孫也。爲太平縣倅。景定元年二月，蒙古兵至，知州孟知緝謀以城降。存芳諫不聽。晉之知緝遂引蒙古兵屠其家，同死者十八人。卒方義竊其孤八歲，禮長於民間，傳至曾孫淳甫。洪武中以賢良薦，仕至監察御史。



饒州知州唐景實震

兄格附

唐震字景實會稽人少居鄉介然不苟交有言其過者輒喜既登第有權貴者擬牒薦之以示震震納之篋中既而于震以事震手還其牒封題如故其人大愧咸淳中由大理司直判臨安府是時潛說友尹京倚賈似道驕蹇亂政震每矯正之時江東大旱擢知信州震奏減綱運米蠲其租賦令坊置一吏籍其戶口勸富人分粟使坊吏主給之所活無算擢江西提刑過闕陛辭賈似道以類田屬震震謝不能行至部又以疏力爭之趙氏

有守阡阡其暴震遣吏捕治似道以書督救震卒後以  
法似道忽使侍御史陳堅劾去之咸淳十年起震饒州  
時興國南康江州諸郡皆已附元兵略饒雷發州民咸  
守上書求援不報元遣使說降通判萬道同勸從之震  
叱曰我偷生負國邪立斬元使堅守不下明年春元兵  
大至城中食且盡都提舉鄒益宵遁震盡出官錢募餉  
士莫有應者城遂潰元兵入姚震晉降震奮罵曰我恨  
力寡不能盡殺爾賊乃降爾邪遂與其兄椿及家人俱  
遇害張世傑復饒州判官鄒宗節求震尸以葬贈華文

官其二子

通判池州趙通卿卯發

庚辰

趙通卿字漢卿，昌人。淳祐十年，上舍登第，歷官宣城宰，素以節行稱。中被論罷，咸淳七年起爲彭澤令，權通判池州。大兵渡江，池守王起宗弃官去，卯發攝州事，繕壁聚糧爲守禦計。明年正月，大兵至，李王河都統張林屢譏之，降。卯發憤氣填膺，瞠目視林，不能言。有問以禔身之道者，卯發曰：「忠義所以禔身也。此外非臣子所得言。」林以兵出巡江陰，歸降而陽助卯發爲守，守兵五百。

餘柄皆歸林卯發知不可守乃置酒會親友與飲決謂其妻雍氏曰城將破吾守臣不當去汝先出走雍氏曰君爲命官我爲命婦君爲忠臣我獨不能爲忠臣婦乎卯發笑曰此豈婦人女子之所能耶雍氏曰吾請先君死卯發笑止之明日散其家資與其弟姪僕婢悉遣之二月兵薄池卯發晨起書几上曰君不可叛城不可降夫妻同死節義成雙又爲詩別其兄弟與雍盛服同縊從容堂死林開門降丞相伯顏入問太守何在左右以死對卽如堂中觀之皆歎息爲具棺衾合葬於池上祭

其墓而去

建康統制吳子雲從墓

弟從虎所

吳從龍字子雲，奉化人。官至武功郎。建康府統制紹定兵難爲先鋒，援絕被擒，使至秦州城下諭降，終不屈死。之後立廟維揚，賜額褒忠。其弟從虎官至武經大夫，淳祐間翰林學士應錄奏言：從龍有晉解揚漢路中大夫之節，請賜謚咸淳中，史館檢閱黃震乞立傳。

均州錄事朱不塵光

弟時中附

朱光字不塵，麗水人。紹定三年登進士第，尉襄陽，攝均

州錄事、端平丙申、均倅北人王用吉、以城叛、光諭之不從、責之又、不從、遂死於難、朝廷旌其忠、贈通直郎、官一子、勅曰、往歲北人以均城叛、爾光攝郡、決曹責以忠孝、遂遭執縛、斃於刀鋸、後三年、職兵鈴者始白其事於朝、有司考閱銓籍、龍飛榜進士也、嗚呼、爾死得其所、若朕之盧、傷何贈以京秩、錄其遺孤、庶使忠魂無復遺恨、弟時中、端平二年進士

崔丘尉徐麗叟梅龜

子尚古附

徐梅龜、字麗叟、壽昌人、警敏、剛介、不事阿徇、登進士第、

授安豐軍霍丘縣尉。端平三年，蒙古兵犯境，梅龜親率  
上人王鑑等，扎塞安陽諸山隣境，亦賴以安。嘉熙元年，  
蒙古兵又至，梅龜身先士卒，戰勝俘獲甚衆。次年春，蒙  
古大舉入寇，梅龜與戰不利。顧謂其子尚古曰：「彼衆我  
寡，我知之矣。委質爲臣，有死無二。汝其行乎？」尚古曰：「大  
人旣死，忠尚古豈不能死？孝乃轉戰，益力至黃家渡，  
皆遇害。淮西制置以聞，理宗震悼，贈宣教郎，知霍丘縣  
事。官其一子汲古，進武校尉；尚古，贈承信郎。亦官其一  
子肅，進義校尉。梅龜夙以文名，舉筆立就，嘗著春秋指

掌關若干卷行於世

金部員外吳長翁德洪

弟雄飛附

吳德洪字長翁淳安人登淳祐九年進士第歷官金部員外郎遇事慷慨與時多忤元兵入臨安抗節而死弟雄飛字次翁秀整端重與兄齊名亦登景定三年進士累官太常寺簿風與李芾友善以忠義相許國亡募兵赴難時論痛之

樊守張漢英

張漢英奉化人幼聘呂氏女及請期呂以女雙瞽辭漢



英曰勝時無恙而今喪明命也遂娶之咸淳間勅守樊城爲元阿朮所圍并守其江漢英募善泅者置蠟書於警中潛積草下浮水而出往荆郢求援至隘口元守卒見積草多釣致泅者被獲於是郢荆之路亦絕又求得張順張貴二人俱智勇出衆俾爲都統二將又相繼爲元兵所執至九年癸酉襄陽被圍五年樊城被圍四年元將張弘範進攻爲流矢中其肘東創見阿朮曰襄在江南樊在江北我陸攻樊則襄出舟師來救終不可取若我盡江道斷其水陸夾攻之則樊必破而襄亦下

矣。阿木從之，遂以師截江而出。銳師薄樊城，漢英死焉。

大理丞馮德父驥 弟驥附

馮驥字德父，富春人。性至孝。母病，刲股和藥以進。登景定進士，調安吉武康簿。有聲，累遷大理丞。時元兵下襄樊，募豪傑爲戰守計。驥被薦，協張濡守獨松。元兵來攻，殺其渠帥。元將益兵搗之。濡遁，驥與弟驥力戰死。贈集賢殿修撰。

吏部尚書劉聲伯 解氏妻林氏附

劉聲伯字聲伯，樂清人。早有令聞，試入太學。時大全方爲

臺屬劾奏丞相董槐迫逐去國將奪其位轍率同舍生  
伏闕上書大槩言朝廷進退大臣須當以禮書上忤執  
政送南安軍安置歸別其母解氏母曰爲臣死忠以直  
被貶分也及大全貶轍還太學以材署昭慶軍節度掌  
書記由學官試館職拜監察御史益以風節自勵遇事  
敢言改正字丁父艱去服闋授集英殿修撰沿海制置  
知慶元府事建濟民莊以濟士民之急召拜刑部侍郎  
進吏部尚書兼中書舍人以母憂去明年江上師潰丞  
相陳宜中起復轍爲端明殿學士不起及賈似道死宜

中謀擁二王由温州入海以兵逆敵共政將遜位於是敵托宗祀於母弟成伯揮涕就道及羅浮憂憤卒其妻林氏舉家蹈海死

浙西提刑徐伯謙道隆

知州趙良淳附

徐道隆字伯謙武康人以父任入官歷潭州判官荆湖制置使遷浙西提刑惟治安吉時文天祥既至平江潰卒四出爲浙西害安吉尤甚有旨命道隆措置乃梟其首亂者於市牛監軍趙范文虎程鵬飛俱遣書誘道隆使降道隆焚書斬其使元兵至知州事趙良淳知不可

爲乃具公服自縊死。道隆率親從軍三百人殊死戰。矢盡鎗槩折。一軍盡沒。道隆見執。縻之艦中。守者少怠。赴水死。越三日宋亡。

司農卿杜貴卿許

杜許字貴卿。黃巖清獻公之從子也。德祐初。奮志勤王。集民兵四千人。見文天祥於西湖上。時天祥奉旨詣北軍講解。左右皆散。莫有從者。許慨然相從。至京口。以計賂守者。脫天祥。遂謀趨真州。真州守將苗再成聞天祥至。卽喜而出迎。且泣曰。兩淮兵足以興復。特二閫小隙。

不能合從耳。天祥卽以書遺二制置，時制置使李庭芝以爲天祥來說降，使再成，亟殺之。再成不忍，給天祥出相城壘。於是天祥與許東入海道，遇兵伏環堵中，飢莫能起。許出從樵者乞得餘糲羹以餉天祥而已。獨枵腹入板橋，兵入至，走伏藜篠中。兵入索之，檣許去。許解所懷金與卒，復免。因募二樵者以簣荷天祥，許單步從至高郵，復由海道以達永嘉。間閔危險，走數千里，所以榕護天祥者無不至。每扼腕國事，輒與天祥涕洟相對。益王立天祥以親文殿學士召至福州，拜右丞相而授

同司農卿空坑之敗被執不屈憂憤死

權知台州王珪 註賓冊

王珪僊居人咸淳進士德祐初以太學博士權知台州  
與陳仁玉築城沿濠倡民義堅壁以守城既陷赴泔橋  
水死之寇兵至欲取首級以獻功其姪賓服珪衣冠甘  
自殘以全珪遺體

承議郎陳雲翁虞之

陳虞之字雲翁永嘉芙蓉人登咸淳己丑第初授揚州  
教授改淮東帥幹歷官廣王府記室參軍積階承議郎

元兵至溫、虞之率子姪鄉人千餘人登芙蓉巖誓以死守不降。元兵攻巖累爲所敗。越二歲始克下之。乃盡以家貲投巖隙中。遂自刎死。子姪妻孥及鄉人死者八百餘人。被虜者五十餘人。遠近聞其事莫不爲之隕涕。

史館編校葉德平解祖

葉偁祖字德平，樂清人。尚氣節，有家法。辟史館編校。晚年退居教授。聞元兵渡江，謂子弟曰：「吾生爲宋臣，死爲宋鬼。」至元丙子冬，兵至，卽具衣冠望闕拜。躍入所居楊樓水中。



太學徐巨翁應鑣

琦崧女元娘友劉汝錫附

徐應鑣字巨翁江山人咸淳末試補太學生德祐二年  
宋亡恭帝入燕太學生百餘人皆從行應鑣乃與其子  
琦崧女元娘誓共焚子女皆喜從之太學故岳飛第有  
飛祠應鑣具酒肉祀飛曰天不祐宋社稷爲墟應鑣死  
以報國誓不與諸生俱北死已將魂魄累王作配神主  
與王英靈永永無戮琦亦賦詩以自誓祭畢以酒肉餉  
諸僕諸僕醉卧應鑣乃與其子女入梯雲樓積書籍箱  
篋四周縱火自焚一小僕未寐聞火聲起至樓下穴牆

窺之見應鑣父子儼然坐立如廟塑像走報諸僕壞壁  
人撲穴滅應鑣不能死與其子女怏怏出戶去倉卒莫  
知所之翌日得其屍祠前井中皆僵立瞠目面如生諸  
僕爲其棺歛殯之西鄉金牛僧舍益王卽位於閭贈朝  
奉郎程開修後十年其同舍生劉汝錫率儒生五十  
餘人收而葬之方家峪私謚曰正節先生

### 王小觀

王小觀瑞安小溪人自小有大志善禦每以忠義自許  
年方弱冠元兵至溫竟抵瑞安陶山陶山去小溪餘三

十里小觀聞之乃悉傾家財召募勇敢者千餘人出陶  
山迎敵彼衆我寡退入小溪元兵追之力莫能當遂被  
執不肯降臨刑罵不絕口而死

徐梧叔夢魁

魏子附

徐夢魁字梧叔壽昌人領貢籍而宋祚適亡欲圖恢復  
潛集子弟共三千餘人與開化魏亨同應陳宜中至信  
州兵復潰散天降丞相文天祥被執北去痛哭撫膺其  
謀遂寢既歸至字境爲山中大書宋林二字於石元初  
屢薦不起年七十餘臨終謂子姓曰吾家宋臣也墓題

宋林處士足矣汝曹幸無食元祿言訖而歿

### 林提刑融

林融青田人仕宋爲提刑痛宋社淪亡潛歸九都牙陽起兵與復兵敗被擒送燕世祖義而釋之融歸復起兵元遣叅政高興來禦力屈死之

### 鄭季華采翁

朱天錫附

鄭采翁字季華壽昌人性剛果好讀書屢試不第居家學兵法宋社將屋然有扶拯之志元兵圍臨安倡義勤王郡人朱天錫等應之收集鄉兵勒部伍習騎射義

聲感激人皆效死未幾臨安失守兩官北去元將唆都陷建德安撫方回迎降遂犯白沙渡采翁率所部力戰兵敗被執不屈而死

行軍司馬陳與可自中

陳自中字與可宋丞相宜中母弟也好學善屬文頃刻千百言悉有理致咸淳戊辰登進士第由郡司馬擢太常寺丞會元兵渡江而罷德祐丙子宜中奉二王南遷自中以大都督府行軍司馬提兵拒守分水關食盡援絕士卒散亡元軍帥欲降之不屈朝服南面再拜而死

妻楊氏、三子一女、俱被虜、幼子隨少常入西蕃爲僧、名  
輦真吃刺思、

朝請大夫唐子煥元章 從子良嗣附

唐元章、一名大初、字子煥、蘭谿人、韶之弟也、爲文思院  
官、宋德祐失國、二王南遷、元章與韶子良嗣起義興復  
官、撥温州砲手三千爲之助、時元兵壓蘭谿、元章與戰  
於黃盆灘、破之、斬其將奚達魯、元兵退保桐廬、遂進兵  
拒守嚴州、朝廷以元章爲朝請大夫、知嚴州、良嗣加閤  
門宣贊武翼將軍、江淮閩浙都統兵馬使、相持二年、糧

援不繼、戰不利、將趨閩、以圖再舉。元兵大至、元章戰死於龍游白雲寺前。元主帥唆都以雙虎符金牌招良嗣、不從、亦戰死於僊霞嶺下。

軍器監簿趙平甫良坦

趙良坦字平甫、孝宗諸孫也。寶祐二年進士、知永嘉瑞安、福清、並以廉介名。會二王走閩中、徵良坦以軍器監簿贊軍事。於是募兵守禦、元兵南指、力屈就擒、脅降不屈。繫獄中二年、作書付其家曰、試令三載無媿於心、守節二年不屈於敵、只因忠義二字累及老稚一門、吾今

唯死而已。後元帥詰其不屈狀，對曰：「生爲宋臣，死爲宋鬼，速求一死，遂欣然就刑。」

### 進士袁天與鏞

袁鏞字天與，鄞人，有大志。遂於春秋登咸淳進士第。以父憂未卽仕。國事日蹙，鏞竊歎曰：「生爲宋臣，死則宋鬼，顧無寸兵尺地，不能捍禦以固社稷，得仗義執言從常山睢陽於地下，不失爲宋國臣足矣。」居三月，元將遣游兵十八騎駐鄞西山之資教寺。鏞奮然往，諭以大義。且肆言曰：「汝主無故謀起干戈，殘我土宇，使我人民宛轉。」



鋒刃之下、天地鬼神所不容、四方忠義之士、日夜憤惋、勤王之師、日至吾恐汝北歸無日也、言未竟、就擒、元將奇其才、脅令降、曰、從則富貴、不從則燒戮汝、鏞罵曰、我爲宋臣、死則死耳、終不從汝胡也、元將怒、縱火燎之、鬚髮殆盡、聲氣愈厲、至死不少變、其日家人驚悼、赴水而死、者十有七人、

### 趙孟崧

趙孟崧、山陰人、福王與芮之從子也、元兵入臨安、孟崧謀舉兵於越、事泄被執、至臨安、范文虎詰之、孟崧訴曰、

賊臣負國共危社稷我帝室之胄欲一刷宗廟之耻乃更以爲逆乎文虎怒驅出斬之過宋廟孟崧大呼曰太祖太宗之靈在天何以使孟崧至此杭人莫不隕涕旣死雷霆晝晦者久之

吳叔大觀

陳非熊熊弟彪羅虎子圭壘姪璠坑子璠

吳觀字叔大新昌人嘗爲稽山書院山長與邑人陳非熊皆業儒有氣節元兵入浙東恭帝北轅檄報相對勸即與協謀奉宋宗室趙節使圖恢復集義勇千餘繕城固守力戰而死非熊弟熊彪虎子圭壘姪璠坑數十

輩皆被害。惟子壘留新昌，獲免。痛父死難，屏居讀書。後至元十四年，婺寇掠新昌，邀擊陳宜慰壘，率宗人赴援。聞宜慰被殺，憤激決戰，皆歿於敗。兵嶺可謂世濟忠烈云。

朱吉父光

張軫附

朱光字吉父，諸暨人。明經敦行，元伯顏下江南，遣裨將上官基招撫浙東。至縣，光與同邑張軫等率鄉民抵禦。光被執，口占曰：「生爲大宋臣，死爲大宋鬼。」一片忠義心。明月照秋水，賊怒以火燃之。三日始絕軫，亦不屈而死。

光膏註西銘人多佩誦云

太學林慶雲逢龍

弟廷龍齊應魁附

林逢龍字慶雲平陽人。紹興知讀書爲文有奇氣。少游郡庠。尋以胄牒補太學。與同舍齊應魁等上封事。乞正賈似道誤國之罪。宜急調兵解襄樊。圖買大怒。削其士籍。卿還本貫。逢龍乃屏跡居寶巖山中。德祐丙子。元兵至溫。秀王趙與釋道元將知逢龍姓名。令軍校至山中索之。遂被執。迫之登舟。入城。逢龍攘臂怒罵。以腹觸其刃而死。弟廷龍字雷發。勤苦讀書。與逢龍同游太學。亦

表表不月而竟

張哲齋

張哲齋臨海人遺其名文丞相天祥偕秦和胡文可太平呂武自通州泛海過其家約舉義兵將取明州不果後張弘範入寇見壁間檄捕得之哲齋知不免語弘範曰吾生爲宋民死爲宋鬼何惟我爲遂遇害

兩浙名賢錄卷之七終